

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 7 NOVEMBER 2013, PUKUL 10.00 PAGI

Bil. 35

PERTANYAAN-PERTANYAAN BAGI JAWAB LISAN

1. PR-1313-L57964
Dato' Haji Abdul Rahman bin Haji Mohamad [Lipis] minta **MENTERI KEMAJUAN LUAR BANDAR DAN WILAYAH** menyatakan pelan tindakan Kementerian untuk merapatkan jurang pembangunan antara kawasan luar bandar dengan kawasan bandar bagi memastikan misi negara menjadi sebuah negara maju menjelang tahun 2020 tercapai.
2. PR-1313-L58791
Dr. Mohd Hatta bin Md. Ramli [Kuala Krai] minta **PERDANA MENTERI** menyatakan sama ada Kerajaan bersedia menerima cadangan Jawatankuasa Pilihan Khas Parlimen Berhubung Dengan Penambahbaikan Proses Pilihan Raya untuk mengkaji pelaksanaan sistem '*Proportionate Representation*' bagi menggantikan sistem 'First Past The Post' dalam proses pilihan raya di Malaysia.
3. PR-1313-L57621
Datuk Aaron Ago anak Dagang [Kanowit] minta **MENTERI SUMBER MANUSIA** menyatakan rancangan Kementerian bagi menambahkan jumlah institusi kemahiran teknikal dan vokasional supaya lebih ramai lagi remaja lepasan SPM dapat melanjutkan pelajaran mereka dan menghasilkan tenaga kerja tempatan yang mahir.
4. PR-1313-L57347
Puan Nurul Izzah binti Anwar [Lembah Pantai] minta **MENTERI PEMBANGUNAN WANITA, KELUARGA DAN MASYARAKAT** menyatakan secara terperinci :-
 - (a) jumlah kekerapan dan kadar bilangan keganasan rumah tangga (*domestic violence*) sejak tahun 2000 hingga 2012; dan
 - (b) apakah langkah-langkah untuk mengatasinya.

5. PR-1313-L58109
Datuk Sapawi bin Ahmad Wasali [Sipitang] minta **MENTERI PENDIDIKAN** menyatakan adakah langkah yang diambil untuk mengenakan tindakan kepada guru-guru yang tidak menyokong Pelan Pembangunan Pendidikan Malaysia (PPPM) yang diperkenalkan baru-baru ini.
6. PR-1313-L58376
Dato' Dr. Nik Mazian bin Nik Mohamad [Pasir Puteh] minta **MENTERI KESIHATAN** menyatakan peruntukan yang disediakan untuk kempen-kempen pencegahan penyakit berjangkit dan penyakit kronik yang tidak berjangkit dan adakah Kementerian telah berjaya mengawal penyakit-penyakit ini.
7. PR-1313-L57151
Dr. Ismail bin Daut [Merbok] minta **MENTERI KEMAJUAN LUAR BANDAR DAN WILAYAH** menyatakan mengenai aktiviti kerja-kerja baik pulih rumah yang uzur, lusuh dan rosak terutama rumah rakyat yang tinggal di luar bandar dan pedalaman. Setakat ini ianya dilaksanakan oleh 1Malaysia Development Berhad (1MDB). Oleh kerana bilangan rumah uzur ini masih banyak, apakah perancangan Kerajaan supaya konsep rumah rosak sifar tercapai.
8. PR-1313-L58241
Tuan Tan Kok Wai [Cheras] minta **PERDANA MENTERI** menyatakan status projek-projek lebuh raya dan kebaikan pembinaannya di Lembah Klang iaitu:-
 - (a) Lebuh Raya Kinrara-Damansara-Shah Alam (KIDEX), Lebuh Raya Damansara-Shah Alam (DASH), Lebuh Raya Sungai Besi-Ulu Kelang (SUKE) dan Lebuh Raya Tun Razak (TREX); dan
 - (b) adakah Kerajaan akan mengumumkan butir-butir perjanjian konsesi.
9. PR-1313-L58277
Datuk Wee Jeck Seng [Tanjong Piai] minta **MENTERI DALAM NEGERI** menyatakan :-
 - (a) adakah Kerajaan bercadang untuk menaik taraf mesin dan sistem pembuat pasport yang lama di Pejabat Imigresen Kukup disebabkan ia sering tidak dapat beroperasi secara normal; dan
 - (b) adakah Standard Operating Procedure diwujudkan pada waktu berlakunya *system server down* sebagai alternatif dalam pemprosesan pasport.

10. PR-1313-L57256
Laksamana Pertama Haji Mohamad Imran bin Abd Hamid (B) [Lumut] minta **MENTERI KEMAJUAN LUAR BANDAR DAN WILAYAH** menyatakan perancangan pembangunan Felcra Gugusan Lekir, di Perak yang dilihat tiada langsung perubahan sejak ia dibangunkan, khususnya dalam pelebaran jalan, penggantian bangunan-bangunan kayu, pemasangan lampu-lampu jalan supaya ia menjadi penempatan bandar kecil dan lebih ceria.
11. PR-1313-L57799
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI PERDAGANGAN ANTARABANGSA DAN INDUSTRI** menyatakan semenjak AFTA dimeterai, 6 negara telah menerima faedah "*Total Trade Value*" berjumlah RM2.5 trilion. Berapakah jumlah eksport dan import oleh Malaysia daripada ini dan apakah "*net current account balance*" di tahap surplus atau defisit. Berikan data tahunan.
12. PR-1313-L57295
Tuan Oscar Ling Chai Yew [Sibü] minta **MENTERI PENDIDIKAN** menyatakan Program Bursary. Apakah sebab ada pelajar yang sudah menamatkan A Level tetapi tidak diberi peluang untuk melanjutkan pelajaran mereka ke IPTA. Apakah langkah seterusnya selepas pelajar-pelajar menamatkan program Bursary.
13. PR-1313-L58792
Tuan Liang Teck Meng [Simpang Renggam] minta **MENTERI DALAM NEGERI** menyatakan adakah unsur-unsur yang menunjukkan pengembalian semula semangat komunis yang mungkin mengancam keselamatan negara setelah Chin Peng meninggal dunia.
14. PR-1313-L57638
Tuan Gobind Singh Deo [Puchong] minta **MENTERI TENAGA, TEKNOLOGI HIJAU DAN AIR** menyatakan usaha-usaha Kementerian dalam meningkatkan penggunaan teknologi hijau di kawasan perumahan baru, termasuk kondominium, di kawasan Lembah Klang yang pesat membangun, terutamanya di kawasan Parlimen Puchong.
15. PR-1313-L57582
Puan Hajah Normala binti Abdul Samad [Pasir Gudang] minta **PERDANA MENTERI** menyatakan peratusan belia yang telah diisytiharkan muflis oleh Jabatan Insolvensi Malaysia dan peranan Kementerian dalam membantu golongan yang sedemikian.
16. PR-1313-L57105
Tuan Ng Wei Aik [Tanjong] minta **MENTERI DALAM NEGERI** menyatakan kenapa kongsi-kongsi gelap seperti Persatuan Hoong Men Malaysia boleh dibenarkan untuk mendaftarkan diri sebagai pertubuhan-pertubuhan yang sah di bawah Pendaftar Pertubuhan Malaysia. Senaraikan semua pertubuhan tersebut dan adakah pertubuhan-pertubuhan sebegini akan dibenarkan untuk terus wujud oleh Pendaftar Pertubuhan Malaysia.

17. PR-1313-L58069
Datuk Haji Abdul Azeez bin Abdul Rahim [Baling] minta **MENTERI BELIA DAN SUKAN** menyatakan langkah dan pendekatan Kerajaan bagi membantu belia-belua yang gagal mendapat tempat di IPTA/IPTS tempatan bagi melahirkan lebih banyak tenaga kerja separa mahir dan mahir sebagai persediaan untuk golongan belia yang berkebolehan.
18. PR-1313-L57884
Tuan Charles Anthony Santiago [Klang] minta **MENTERI SUMBER MANUSIA** menyatakan :-
- (a) adakah Kementerian telah membuat analisis kos faedah untuk menentukan impak TPPA terhadap pekerja-pekerja di Malaysia; dan
 - (b) adakah Kementerian bersedia untuk meratifikasikan "*ILO Co Labour Standards*" seperti yang ditetapkan dalam perjanjian TPPA.
19. PR-1313-L59050
Dato' Abdul Manan bin Ismail [Paya Besar] minta **MENTERI KEMAJUAN LUAR BANDAR DAN WILAYAH** menyatakan berkenaan kekangan yang dihadapi oleh usahawan luar Bandar, apakah langkah-langkah yang digerakkan Kerajaan untuk membawa mereka ke dalam pasaran lebih besar mahu pun pasaran antarabangsa.
20. PR-1313-L57551
Tuan Lim Kit Siang [Gelang Patah] minta **PERDANA MENTERI** menyatakan jika beliau akan menginstitusikan nasihat daripada Majlis Peguam apabila melakukan lantikan kehakiman, dengan menyertakan wakil daripada Majlis Peguam ke dalam Suruhanjaya Lantikan Kehakiman.
21. PR-1313-L57740
Tuan Haji Hasbi bin Haji Habibollah [Limbang] minta **MENTERI PENDIDIKAN** menyatakan dapatkah Kementerian mempercepatkan pelaksanaan menangani dan menaik taraf SMK Limbang yang sudah daif dan mempunyai penuntut melebihi seribu orang murid.
22. PR-1313-L58986
Dr. Mohd. Khairuddin bin Aman Razali [Kuala Nerus] minta **PERDANA MENTERI** menyatakan statistik kes murtad dari tahun 2000-2012 dan bagaimana prosedur perbicaraan kes murtad di mahkamah.
23. PR-1313-L57350
Tuan Haji Ahmad Nazlan bin Idris [Jerantut] minta **MENTERI PENDIDIKAN** menyatakan apakah langkah-langkah yang dapat diambil bagi memastikan pelajar-pelajar masih lagi dapat mempelajari mata pelajaran yang tertentu apabila guru ganti mengambil tempat guru sebenar yang menjalankan tugas lain.

24. PR-1313-L58559
Tuan Wan Hasan bin Mohd Ramli [Dungun] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan berapakah jumlah kedai emas mengikut pecahan negeri di pantai Timur Semenanjung Malaysia yang dimiliki oleh Melayu Bumiputera dari tahun 2008-2012.
25. PR-1313-L58305
Dato' Ahmad Fauzi bin Zahari [Setiawangsa] minta **MENTERI KEWANGAN** menyatakan keutamaan yang diberikan oleh Kerajaan dalam memastikan faktor-faktor yang mengakibatkan ringgit lemah dan menyusut nilai ditangani secukupnya agar tidak menjejaskan eksport/import negara.
26. PR-1313-L57549
Tuan Hee Loy Sian [Petaling Jaya Selatan] minta **MENTERI DALAM NEGERI** menyatakan jumlah bilangan lokap dan bilik soal siasat yang masih tidak memasang CCTV dan nyatakan sebabnya secara munasabah memandangkan Kerajaan telah memberikan peruntukan yang mencukupi.
27. PR-1313-L57453
Datuk Chua Tee Yong [Labis] minta **PERDANA MENTERI** menyatakan berapa besar jumlah rizab minyak dan gas yang terdapat dalam negara serta boleh tahan berapa lama untuk kegunaan dalam negara.
28. PR-1313-L58612
Tuan Manivanan a/l Gowindasamy [Kapar] minta **MENTERI PENDIDIKAN** menyatakan :-
- (a) apakah tindakan efektif yang telah atau akan diambil oleh Kerajaan dalam mengatasi masalah kekurangan guru-guru di sekolah; dan
 - (b) apakah inisiatif Kerajaan untuk meningkatkan kualiti guru-guru yang mengajar subjek Bahasa Inggeris di semua peringkat sekolah bagi meningkatkan mutu dan kualiti Bahasa Inggeris di kalangan anak-anak kita dan apakah tindakan proaktif Kerajaan ke arah tujuan tersebut.
29. PR-1313-L57376
Datuk Juslie bin Ajirol [Libaran] minta **MENTERI PENDIDIKAN** menyatakan pencapaian hasil usaha inisiatif Kementerian menerusi program Tuisyen Rakyat 1Malaysia (TR1M) yang membabitkan pelajar sekolah rendah dan menengah terutama dari keluarga berpendapatan rendah.
30. PR-1313-L58769
Tuan Julian Tan Kok Ping [Stampin] minta **MENTERI SAINS, TEKNOLOGI DAN INOVASI** menyatakan rasional di sebalik penggunaan "Medium-Sized Aperture Camera" (MAC) dalam kedua RazakSAT serta RazakSAT-2. Kenapakah '*technology microwave*' tidak di gunakan dan bukannya ianya lebih berguna dari segi mencapai misinya terutamanya apabila Malaysia terletak di dalam Lingkungan Awam Khatulistiwa (equatorial cloud bands).

31. PR-1313-L57807
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan bilangan kamera litar tertutup (CCTV) yang telah dipasang di seluruh negara bagi memantau kes-kes jenayah. Adakah pemasangan ini membantu pihak berkuasa menangani kegiatan jenayah dan adakah Kementerian bercadang untuk menambahkan lagi bilangan CCTV ini dan apakah ciri-ciri kawasan yang terlibat dalam pemasangan ini.
32. PR-1313-L57180
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan status kejayaan pelaksanaan usia persaraan 60 tahun dan tindakan kepada syarikat yang melanggar akta tersebut.
33. PR-1313-L58503
Datuk Ir. Dr. Wee Ka Siong [Ayer Hitam] minta **MENTERI PENDIDIKAN** menyatakan berapa jumlah kes rayuan kemasukan ke IPTA sesi 2013/2014 yang berjaya. Apakah Kementerian sedia melakukan penambahbaikan terhadap sistem pengambilan pelajar IPTA agar semua calon markah penuh (CGPA 4.0) ditawarkan tempat.
34. PR-1313-L57462
Dr. Michael Jeyakumar Devaraj [Sungai Siput] minta **MENTERI KESIHATAN** menyatakan sama ada Kementerian menerima hakikat bahawa perkembangan pesat sektor hospital swasta mempercepatkan "*brain drain*" dan seterusnya menjejaskan kualiti rawatan untuk pesakit miskin di hospital Kerajaan. Adakah Kementerian berhasrat menyekat kadar penambahan bilangan katil di hospital swasta.
35. PR-1313-L57565
Datuk Hajah Norah binti Abd Rahman [Tanjung Manis] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sama ada Kerajaan dapat menyediakan lebih banyak lagi bantuan untuk rumah PPR, PBR untuk Kawasan Parlimen Tanjung Manis memandangkan ramai rakyat telah menunggu sebegitu lama untuk mendapatkan rumah dan amat memerlukannya.
36. PR-1313-L58824
Puan Hajah Zuraida binti Kamaruddin [Ampang] minta **MENTERI KEMAJUAN LUAR BANDAR DAN WILAYAH** menyatakan berapakah peruntukan yang diberi bagi modal baru Jawatankuasa Kemajuan dan Keselamatan Kampung (JKKK) yang akan diperkenalkan pada tahun depan.
37. PR-1313-L57741
Tuan Nga Kor Ming [Taiping] minta **MENTERI KEWANGAN** menyatakan kedudukan terkini pembinaan MRT di Lembah Klang dan jumlah kos sebenar yang terlibat serta apakah rancangan Kerajaan untuk memastikan kos binaan tidak melambung sehingga melebihi bajet yang sedia ada.

38. PR-1313-L58882
Dato' Mohd Ariff Sabri bin Abdul Aziz [Raub] minta **PERDANA MENTERI** menyatakan :-
- (a) setakat manakah tahap siapnya "*mines wellness*" yang mendapat pelaburan RM3.2 bilion dan apakah pulangan yang dijangkakan. Berapakah jumlah pelaburan dalam bentuk kewangan daripada pihak Kerajaan dalam projek "*mines wellness*" ini dan adakah Country Heights dilantik sebagai "*PDP-Project Delivery Partner*"; dan
 - (b) apakah rancangan pihak Kementerian untuk usahawan Bumiputera di bawah EPP9 ini.
39. PR-1313-L58569
Dato' Kamarudin bin Jaffar [Tumpat] minta **MENTERI LUAR NEGERI** menyatakan adakah Kerajaan Malaysia memainkan apa-apa usaha untuk membantu Kerajaan Thailand mewujudkan perdamaian dan membela tuntutan politik rakyat Thailand di wilayah Pattani.
40. PR-1313-L57303
Dr. Azman bin Ismail [Kuala Kedah] minta **MENTERI PELANCONGAN DAN KEBUDAYAAN** menyatakan terangkan sama ada Kementerian berhasrat mewujudkan secara berkesan Unit Polis Pelancongan. Jika tidak, apa alasannya.
41. PR-1313-L57397
Tuan Wong Chen [Kelana Jaya] minta **MENTERI PENDIDIKAN** menyatakan tempoh konsesi yang telah diberi kepada YTL untuk projek 1Bestarinet dan bolehkah Menteri mendedahkan syarat-syarat penting konsesi tersebut, termasuk pertimbangan kewangan.
42. PR-1313-L57819
Tuan Er Teck Hwa [Bakri] minta **PERDANA MENTERI** menyatakan berapakah pendidik, imam dan bilal yang mempunyai kelulusan pendidikan agama peringkat tinggi, menengah dan rendah mengikut kawasan Parlimen. Berapakah yang telah meletakkan jawatan atau dipecat setiap tahun dari tahun 2008-2013.
43. PR-1313-L58921
Tuan Ahmad Marzuk bin Shaary [Bachok] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan jumlah tan sampah dikeluarkan negara dan setiap ibu negeri. Berapakah jumlah peruntukan tahunan bagi perolehan tong-tong sampah kitar semula, kempen kesedaran dan pembinaan pusat kitar semula bagi setiap negeri.
44. PR-1313-L57836
Tuan Liew Chin Tong [Kluang] minta **PERDANA MENTERI** menyatakan tarikh atau jadual Jawatankuasa Pemilih Parlimen Berkenaan Pengurusan Suruhanjaya Pilihan Raya (SPR) akan ditubuhkan dan keahlian serta kuasanya.

45. PR-1313-L58366
Tuan Tony Pua Kiam Wee [Petaling Jaya Utara] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan tindakan yang telah diambil ke atas YGP Holdings Bhd., National Aerospace Defence Industries Sdn. Bhd., National Feedlot Corporation Sdn. Bhd., Real Food Company Sdn. Bhd. dan National Meat & Livestock Company Sdn. Bhd. yang tidak menyampaikan penyata kewangan kepada Suruhanjaya Syarikat Malaysia sejak 2007.
46. PR-1313-L58538
Tuan Chong Chieng Jen [Bandar Kuching] minta **MENTERI PENGANGKUTAN** menyatakan berapa jumlah peruntukan yang telah diperuntukkan oleh Kerajaan untuk membangunkan pengangkutan awam di Bandaraya Kuching dalam tahun 2010, 2011, 2012 dan 2013.
47. PR-1313-L58215
Raja Dato' Kamarul Bahrin Shah [Kuala Terengganu] minta **MENTERI PELANCONGAN DAN KEBUDAYAAN** menyatakan apakah usaha mempromosikan kraf-tangan "*Cottage Industry*" tempatan untuk meneruskan tradisi "warisan hidup" dan meningkatkan ekonomi orang tempatan untuk masa depan "*Sustainable Tourism*" negara.
48. PR-1313-L57973
Puan Kasthuriraani a/p Patto [Batu Kawan] minta **MENTERI PEMBANGUNAN WANITA, KELUARGA DAN MASYARAKAT** menyatakan inisiatif keseluruhan untuk golongan OKU daripada segi kemudahan dan peluang pekerjaan mengikut dasar United Nations bagi golongan seperti ini serta kos dan agensi yang terlibat.
49. PR-1313-L57929
Datuk Wira Haji Ahmad bin Hamzah [Jasin] minta **MENTERI KEWANGAN** menyatakan langkah mengatasi kekurangan pakar berkelayakan dalam bidang kewangan Islam yang menjadi faktor utama mengekang inovasi produk dan perkhidmatan baru di negara ini.
50. PR-1313-L57598
Tuan Haji Mohd Fasih bin Haji Mohd Fakeh [Sabak Bernam] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan sasaran sumbangan industri francais kepada Keluaran Dalam Negara Kasar (KDNK) negara ini bagi tahun 2013 ini dan nyatakan langkah Kementerian bagi menjadikan negara ini sebagai hab francais serantau di Asia Tenggara menjelang tahun 2020.
51. PR-1313-L57208
Dato' Haji Mohd Zaim bin Abu Hasan [Parit] minta **MENTERI KEWANGAN** menyatakan apakah langkah tindakan UDA Holdings Berhad (UDA) untuk membantu para usahawan Bumiputera yang berhadapan dengan masalah pemilikan lot-lot kedai yang mahal dan sewa yang tinggi di kawasan bandar-bandar utama negara.

52. PR-1313-L57528
Puan Alice Lau Kiong Yieng [Lanang] minta **MENTERI PEMBANGUNAN WANITA, KELUARGA DAN MASYARAKAT** menyatakan :-
- (a) jumlah pusat asuhan/taska yang berdaftar di Malaysia dan syarat-syarat atau kelayakan untuk berdaftar sebagai pusat asuhan/taska; dan
 - (b) jumlah yang tidak berdaftar dan siasatan yang dilakukan serta tindakan yang akan dikenakan.
53. PR-1313-L58468
Tuan Chua Tian Chang @ Tian Chua [Batu] minta **MENTERI PENDIDIKAN** menyatakan apakah sebab McKinsey & Co telah dipilih untuk menggubal Pelan Induk Pembangunan Pendidikan 2013-2025. Adakah terdapat proses tender yang dijalankan sebelum dianugerahkan. Sila senaraikan syarikat yang mengambil bahagian dalam tender ini dan menyatakan harga mereka. Sila berikan pecahan yuran sebanyak RM2 juta yang dibayar kepada McKinsey & Co.
54. PR-1313-L58388
Tuan Fong Kui Lun [Bukit Bintang] minta **PERDANA MENTERI** menyatakan kedudukan kenderaan bas penumpang awam berbagai jenis yang beroperasi setakat ini, usia bas yang beroperasi dan apakah langkah untuk mengurangkan penggunaan bas lama bagi mengelakkan kekerapan kemalangan jalan raya.
55. PR-1313-L58105
Dato' Ir. Haji Nawawi bin Ahmad [Langkawi] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah ada perancangan Kementerian untuk membina balai bomba di kawasan peranginan Pantai Chenang Langkawi atau di kawasan Padang Mat Sirat Langkawi kerana kawasan ini merupakan kawasan tumpuan pelancong dan banyak rancangan pembinaan pembangunan hotel di kawasan tersebut.
56. PR-1313-L58139
Tuan Che Mohamad Zulkifly bin Jusoh [Setiu] minta **MENTERI KEWANGAN** menyatakan pencapaian ujuran dan sasaran Bank Negara Malaysia (BNM) bagi mewujudkan sekurang-kurangnya satu saluran perbankan bagi setiap mukim di negara ini sehingga kini dan nyatakan setakat manakah akses kepada perkhidmatan perbankan asas masa kini berbanding 2011 serta bilangan ejen bagi mewakili bank di seluruh negara.

ATURAN URUSAN MESYUARAT DAN USUL-USUL

1. (D.R. 21/2013) **Rang Undang-undang Perbekalan 2014 – Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(6 November, 2013)**

DAN

Usul dibuat oleh YAB Menteri Kewangan dan masalah dicadangkan :-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersestentangan dengan butiran-butiran itu di ruangan enam dan tujuh senarai tersebut.”

Menyambung semula Perbahasan atas masalah (6 November, 2013)

- | | | | |
|----|----------------|---|-------------------------------|
| 2. | (D.R. 22/2013) | Rang Undang-undang Kewangan (No. 2) 2013 | Bacaan Kali Yang Kedua |
| | | [Menteri Kewangan] | |
| 3. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “ |
| | | [Menteri Dalam Negeri] | |
| 4. | (D.R. 16/2013) | Rang Undang-undang Rumah Perjudian Terbuka (Pindaan) 2013 | “ |
| | | [Menteri Kewangan] | |
| 5. | (D.R. 17/2013) | Rang Undang-undang Loteri (Pindaan) 2013 | “ |
| | | [Menteri Kewangan] | |

- | | | | |
|-----|----------------|--|---|
| 6. | (D.R. 18/2013) | Rang Undang-undang Pertaruhan Pool
(Pindaan) 2013 | “ |
| | | [Menteri Kewangan] | |
| 7. | (D.R. 15/2013) | Rang Undang-undang Lambang dan Nama
(Mencegah Penggunaan Tak Wajar)
(Pindaan) 2013 | “ |
| | | [Menteri di Jabatan Perdana Menteri] | |
| 8. | (D.R. 10/2013) | Rang Undang-undang Kanun Tatacara
Jenayah (Pindaan) 2013 | “ |
| | | [Menteri di Jabatan Perdana Menteri] | |
| 9. | (D.R. 12/2013) | Rang Undang-undang Keterangan
(Pindaan) 2013 | “ |
| | | [Menteri di Jabatan Perdana Menteri] | |
| 10. | (D.R. 19/2013) | Rang Undang-undang Fi (Jabatan Muzium
Malaysia) (Pengesahan) 2013 | “ |
| | | [Menteri Pelancongan dan Kebudayaan] | |
| 11. | (D.R. 20/2013) | Rang Undang-Undang Dadah Berbahaya
(Pindaan) 2013 | “ |
| | | [Menteri Kesihatan] | |

12. PR-1313-U58205
Datuk Madius Tangau [Tuan] akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar.

Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

(Perdana Menteri)

13. PR-1313-U59118

Tuan Zairil Khir Johari [Bukit Bendera] akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

(Kementerian Pendidikan)

14. PR-1313-U57786

Tuan M. Kulasegaran [Ipoh Barat] akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

(Kementerian Sumber Manusia)

15. PR-1313-U58419

Tuan Fong Kui Lun [Bukit Bintang] akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

16. PR-1313-U58420

Tuan Fong Kui Lun [Bukit Bintang] akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

17. PR-1313-U58688

Tuan Manivanan a/l Gowindasamy [Kapar] akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

(Kementerian Dalam Negeri)

18. PR-1313-U58691

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

(Kementerian Pendidikan)

19. PR-1313-U59119

Dr. Tan Seng Giaw [Kepong] akan mencadangkan:-

“Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden.”

(Menteri Kesejahteraan Bandar, Perumahan dan Kerajaan Tempatan)

20. PR-1313-U59120

Dr. Tan Seng Giaw [Kepong] akan mencadangkan:-

“Bahawa Dewan ini mendebatkan dasar dan langkah untuk menangani kemalangan jalan raya di negara ini.”

(Menteri Pengangkutan)